

Bosna i Hercegovina  
Federacija Bosne i Hercegovine  
Zeničko-dobojski kanton  
Grad Zavidovići  
Gradsko vijeće Zavidovići  
Gradonačelnik Grada Zavidovići  
28.02.2024.godine

P R E P I S

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI  
STRUČNA SLUŽBA GRADONAČELNIKA

Primijeno:	18-03-2024		
Org. jed.	Kl. ozn.	Red. broj	Pr. priloga
01	04	617/24	

N/R predsjedavajući Gradskog vijeća

### INICIJATIVA

Priprema studije o trenutno dostupnoj radnoj snazi iz oblasti drvno-prerađivačke industrije

#### Obrazloženje:

Grad Zavidovići približno sto i pedeset godina baštini tradiciju u oblasti drvno-prerađivačke industrije sa stanovitim prekidima u proizvodnji tokom prošlog i dvadesetogodišnjim prekidom u ovom stoljeću. Obzirom da do sad nisu valorizirani izgledi da se pristupi obnavljanju proizvodnje u državnom vlasništvu predlažem da se sačini kratka studija o raspoloživoj radnoj snazi iz ove oblasti kako bismo imali uvid u šanse za revitalizaciju proizvodnje od drveta i drvnih sortimenata.

U pripremi studije koristili bi se relevantni podaci dobijeni od Biroa za nezaposlene osobe, podaci dobijeni posredstvom medija, poziva građanstvu od strane Grada ili podaci dobijeni kroz koordinaciju s mjesnim zajednicama. Po dovršenoj studiji Grad i gradske vlasti bi na raspolaganju imali najvažnije informacije o razvojnim šansama za ovu industrijsku oblast i već prema dostavljenim rezultatima bi se donosili planovi za kapitalna ulaganja u oblasti proizvodnje ili bi se u slučaju nedovoljne radne snage dugoročno odustalo od planova za obnovu proizvodnje.

Za realizaciju inicijative su nepohodna određena novčana sredstva koja po slobodnoj procjeni iziskuju značajna sredstva.

Predlažem da se inicijativa uobliči u formu elaborata i po njenoj dovršenoj pripremi uputi na Osnivača nekadašnjeg preduzeća IP Krivaja.

Vijećnik  
Samir Skejić, s.r.

(2)

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZAVIDOVIĆI



Broj: 02-04-622/24-AP-11  
Datum: 15.03.2024. godine

STRUČNA SLUŽBA  
GRADSKOG VIJEĆA ZAVIDOVIĆI  
- O v d j e -

PREDMET: Stav po inicijativi vijećnika Samira Skejića za pripremu studije o trenutno dostupnoj radnoj snazi iz oblasti drvnoprerađivačke industrije, dostavlja se

U prilogu akta dostavljam vam stav po inicijativi vijećnika Samira Skejića podnesenu za pripremu studije o trenutno dostupnoj radnoj snazi iz oblasti drvnoprerađivačke industrije.

Stav po podnesenim inicijativama dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-04-622/24-AP-10  
Datum: 15.03.2024. godine

GRAD ZAVIDOVIĆI  
GRADSKO VIJEĆE ZAVIDOVIĆI  
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Samira Skejića za pripremu studije o trenutno dostupnoj radnoj snazi iz oblasti drvnoprerađivačke industrije dostavljam:

**PREDMET:** Stav po inicijativama vijećnika Samira Skejića za pripremu studije o trenutno dostupnoj radnoj snazi iz oblasti drvnoprerađivačke industrije, dostavlja se

Inicijativu vijećnika Samira Skejića za pripremu studije o trenutno dostupnoj radnoj snazi iz oblasti drvnoprerađivačke industrije ne treba prihvatiti.

Kao prva i osnovna prepreka za opravdanost realizacije ove inicijative jeste to što imovina bivšeg preduzeća IP „Krivaja“ d.o.o. nije u državnom vlasništvu. Naime ista je podijeljena na IP „Krivaja“ d.o.o. u stečaju, a koja je u velikoj mjeri rasprodana ili je pod ingerencijom Općinskog suda u Zenici i „KRIVAJA - MOBEL“ d.o.o. koja je trenutno upisana u katastru nekretnina Grada Zavidovići kao posjed ortačke grupe i predmetom je dugogodišnjeg sudskog spora, te se ovom činjenicom gubi svaki smisao ideje o obnavljanju proizvodnje u državnom vlasništvu.

Dalje, ne umanjujući značaj i dobronamjernost inicijative, ista se odbija jer njena realizacija ne bi postigla željeni cilj, nego bi samo doprinijela rasipanju budžetskih sredstava (ukoliko bi se ugovarala izrada studije) ili bi u slučaju da nadležna služba vlastitim kapacitetima radi studiju dovela do angažmana većeg dijela uposlenika Službe, te odgodila ili onemogućila realizaciju drugih poslova ili projekata, a željeni rezultat se ne bi postigao.

Naime, **revitalizacija drvnoprerađivačke indurstije** u jedinici lokalne samouprave zahtijeva pažljivo planiranje i koordinaciju, a neki od ključnih preduslova koji bi mogli doprinijeti uspješnoj revitalizaciji su:

**1. Stabilan izvor sirovina:** Dostupnost stabilnog i održivog izvora sirovina poput drveta je ključna za drvnoprerađivačku industriju. Međutim to ne uključuje samo dostupnost informacija o raspoloživoj drvnoj građi (čija je stvarna dostupnost drvnoprerađivačkoj industriji uslovljena tržišnim zakonitostima). To, između ostalog, uključuje i dobru upravu šumama, odgovarajuće politike održivog korištenja šuma, kao i poticaje za uzgoj i održavanje šumskih resursa (za šta Grad Zavidovići nema ni nadležnosti ni budžetskih sredstava na raspolaganju).

**2. Kvalificirana radna snaga:** Postojanje kvalificirane radne snage sa vještinama i znanjem potrebnim za drvnoprerađivačku industriju jeste presudno, ali ne predstavlja jedini preduslov i jer podatak o trenutno raspoloživoj snazi ne daje punu informaciju, a pogotovo ne može biti razlog da se zaključi da treba ili ne odustati od dugoročnih planova za obnovu proizvodnje.

Naime potrebni radnici obučeni za rad s drvetom, mašinama i tehnologijama koje se koriste u industriji, mogu biti osigurani i kroz program cjeloživotnog učenja, konkretnije kroz prekvalifikacije i dokvalifikacije.

**3. Pristup tržištu:** Pristup tržištu, kako lokalnom tako i globalnom, ključan je za uspjeh drvoprađivačke industrije. To može uključivati razvoj distribucijske mreže, izgradnju partnerskih odnosa s kupcima i dobavljačima, kao i razvoj marketinških strategija koje odgovaraju potrebama ciljnih tržišta. Ključno je i uz stabilan izvor sirovina i uz raspoloživu radnu snagu, bez adekvatnog tržišta nema razvoja bilo kakve industrije. Također, osim dostupnosti tržišta industrija mora biti sposobna pratiti tehnološke inovacije i napredak kako bi ostala konkurentna. To uključuje ulaganje u istraživanje i razvoj novih proizvoda, procesa i tehnologija koje poboljšavaju produktivnost, kvalitetu i održivost poslovanja.

**4. Podrška vlade i regulatorni okvir:** Vlada treba pružiti podršku industriji kroz odgovarajući regulatorni okvir, poticaje, subvencije, tehnološku podršku i infrastrukturne investicije. Ovo može uključivati politike koje potiču investicije, olakšavaju poslovanje i osiguravaju fer tržišne uvjete. Jedinice lokalne samouprave, nažalost, niti imaju nadležnosti, niti sredstva za ovu vrstu podrške.

**5. Finansijska stabilnost:** Industrija treba imati stabilan finansijski temelj kako bi mogla podnijeti promjene na tržištu i ekonomskim uvjetima. To uključuje pristup kapitalu za investicije, upravljanje troškovima i prihodima, te razvoj finansijskih strategija koje osiguravaju dugoročnu održivost. Za ovu vrstu podrške neophodne su određene fiskalne reforme i donošenje politika na državnom ili barem na federalnom nivou.


Samo kroz zadovoljavanje ovih osnovnih preuslova drvoprađivačka industrija može ostvariti uspjeh i doprinijeti ekonomskom razvoju lokalne zajednice.


Grad Zavidovići, u skladu sa vlastitim nadležnostima i raspoloživim sredstvima koristi sve mogućnosti za poticanje razvoja industrije, te MSP, ne samo kroz direktne finansijske poticaje koji se prilagođavaju potrebama i zahtjevima korisnika, nego koristi i druge alate lokalnog razvoja, te je uspostavljen inkubator, čije proširenje se planira i prve aktivnosti su već započele, formiran je coworking centar, uspostavljene su poslovne zone, koje su popunjene, te kao jedna od najefikasnijih mjera poticaja bilo bi uspostavljanje i opremanje nove poslovne zone, ali je ključna prepreka nedostatak adekvatnog zemljišta u vlasništvu Grada, te smatram da bismo svi trebali uložiti napor da riješimo taj izazov, koji je moguće riješiti i koji će dati konkretne rezultate na zadovoljstvo svih nas.


S poštovanjem

Dostavljeno:

1. Naslovu,
2. U spis.

Obradio:   
(Almir Mustafić)

Kontrolisao:   
(Džeraldina Miličević)



GRADONAČELNIK

doc. dr. Hašim Mujanović